

四庫全書

史部

欽定四庫全書

欽定八旗通志卷二百二十

人物志一百

忠義傳十二

滿洲八旗十二  
乾隆十三年至二十四年共一百二

十二人

德克濟

德克濟滿洲鑲黃旗人姓葉母氏世居葉佳村由  
筆帖式歷陞郎中乾隆十九年出師北路二十年

五月隨將軍班第駐守伊犁八月阿睦爾撒納叛  
逃逆黨克什木巴朗等先後煽附劫掠軍臺德克  
濟死之

賞卹如例

恩賜雲騎尉世職

承襲詳見  
世職表

彰薩

彰薩滿洲鑲黃旗人姓扎庫他氏世居諾敏地方  
由前鋒授藍翎侍衛乾隆十九年出師北路二十

年八月隨將軍班第等駐伊犁為逆黨克什木巴  
朗等所害

賞卹如例

恩賜雲騎尉世職

承襲詳見  
世職表

塞蒙阿

塞蒙阿滿洲鑲黃旗人姓牛克特氏世居三姓地  
方由護軍授驍騎校乾隆十九年三月出兵北路  
二十年隨將軍班第駐守伊犁八月為逆黨克什

木巴朗等所害

賞卹如例

恩賜雲騎尉世職

承襲詳見  
世職表

納森圖

納森圖滿洲鑲黃旗人姓阿爾拉氏世居黑龍江  
由護軍授空翎侍衛乾隆二十年隨將軍班第等  
駐守伊犁遇亂死之

賞卹如例

恩賜雲騎尉世職

承襲詳見  
世職表

貝多爾

貝多爾滿洲鑲黃旗人姓阿爾拉氏世居黑龍江  
由護軍補空翎侍衛旋授三等侍衛乾隆二十年  
出師北路在哈拉塔勒追勦盜馬賊衆戰歿

賞卹如例

恩賜雲騎尉世職

承襲詳見  
世職表

海福

海福滿洲鑲黃旗人姓富察氏世居訥音地方由  
前鋒授前鋒校乾隆二十年出師西路往北路軍  
營解糧歸途遇賊奮勇衝擊至巴里坤創發而歿  
賞卹如例

恩賜雲騎尉世職

承襲詳見  
世職表

布雲布

布雲布滿洲鑲黃旗人姓烏喇氏世居齊齊哈爾地  
方由前鋒放藍翎侍衛乾隆十八年出師西路二十

一年因解送策楞王保遇厄勒特賊衆力戰歿於陣

賞卹如例

恩賜雲騎尉世職

承襲詳見  
世職表

杭吉爾圖

杭吉爾圖滿洲鑲黃旗人姓鄂諾氏世居黑龍江  
由護軍授護軍校乾隆十九年出師北路二十一  
年七月在伊犁遇亂死之

賞卹如例



恩賜雲騎尉世職

承襲詳見  
世職表

富明安

富明安滿洲鑲黃旗人姓薩克達氏世居寧古塔  
由前鋒授空翎侍衛乾隆二十年出師西路二十  
一年解送策楞玉保遇厄勒特賊衆被害

賞卹如例

恩賜雲騎尉世職

承襲詳見  
世職表

和濟圖

和濟圖滿洲鑲黃旗人姓阿爾拉氏世居黑龍江  
由藍翎侍衛存厯頭等侍衛乾隆二十一年出師  
北路解送策楞玉保在途遇厄勒特賊衆被害

賞卹如例

恩賜雲騎尉世職

承襲詳見  
世職表

阿里遜

阿里遜滿洲鑲黃旗人姓薩瑪爾吉氏世居黑龍  
江由護軍授空翎侍衛乾隆二十一年在鄂羅扎

拉圖地方與賊戰歿

賞卹如例

恩賜雲騎尉世職

承襲詳見  
世職表

珠爾庫

珠爾庫滿洲鑲黃旗人姓莫爾哲勒氏世居黑龍  
江由副長委署營總乾隆十九年出征伊犁有功  
二十二年隨都統滿福追剿沙拉斯嗎唬斯行次  
哈拉和落與都統滿福同為賊人誘害

賞卹如例

海林泰

海林泰滿洲鑲黃旗人姓牛克特氏世居吉林由  
空翎補藍翎侍衛授三等侍衛乾隆二十年出師  
西路二十二年隨都統滿福追勦沙拉斯嗎唬斯  
賊衆戰歿於陣

賞卹如例

恩賜雲騎尉世職

承襲詳見  
世職表

善德

善德滿洲鑲黃旗人姓瓜勒佳氏世居酸泥地方  
由前鋒委署筆帖式承襲佐領兼騎都尉乾隆二  
十二年厄魯特賊衆刼掠臺站善德被害

賞卹如例

明德

明德滿洲鑲黃旗人姓瓜勒佳氏世居東海窪爾  
凱瓢地方由前鋒補藍翎授前鋒校隨征金川得

功牌一於乾隆二十二年出師西路在科什圖軍  
臺遇賊戰歿

賞卹如例

恩賜雲騎尉世職

承襲詳見  
世職表

雅濟保

雅濟保滿洲鑲黃旗人姓白佳氏由前鋒委署筆  
帖式乾隆二十二年厄魯特賊衆劫掠臺站雅濟  
保被害

賞卹如例

素齡阿

素齡阿滿洲鑲黃旗人姓伊塔拉氏任健銳營副  
護軍校隨叅贊大臣明瑞於乾隆二十二年六月  
在喀什地方與賊阿布噶斯哈坦等戰歿

賞卹如例

德芬

德芬滿洲鑲黃旗人姓瓜勒佳氏世居酸泥地方

由健銳營前鋒委署筆帖式乾隆二十二年厄魯  
特賊衆刼掠臺站德芬被害照陣亡例減半議卹  
賞銀一百兩

佛爾慶額

佛爾慶額滿洲鑲黃旗人姓郭固爾氏世居黑龍  
江由親軍補藍翎侍衛陞三等侍衛乾隆十九年  
出兵西路二十三年四月二十一日在布空郭爾  
地方與厄魯特賊衆力戰歿於陣



賞卹如例

恩賜雲騎尉世職

承襲詳見  
世職表

寧古里

寧古里滿洲鑲黃旗人姓富察氏世居吉林由護  
軍三等侍衛陞二等侍衛乾隆二十年派往軍營  
二十三年十月隨將軍兆惠往勦葉爾羌與波羅  
泥都霍集占力戰歿於陣

賞卹如例

恩賜雲騎尉世職

承襲詳見世職表

福錫爾

福錫爾滿洲鑲黃旗人姓富察氏世居黑龍江由  
空翎補三等侍衛乾隆十九年十二月十四日前  
往軍營二十三年四月二十一日隨副都統唐喀  
祿在布空郭爾地方遇賊力戰歿於陣

賞卹如例

恩賜雲騎尉世職

承襲詳見世職表

伊靈阿

伊靈阿滿洲鑲黃旗人姓莫爾哲勒氏世居黑龍  
江由副長委署營總乾隆十九年隨副都統三格  
隊出師伊犁著有勞績二十三年十月十三日隨  
總兵高天喜督修喀拉烏蘇河突遇回衆蟻集偕  
總兵等戰歿於陣

賞卹如例

瑞綽爾圖

瑞綽爾圖滿洲鑲黃旗人姓薩瑪爾吉氏世居黑龍江由護軍授空翎侍衛洊歷二等侍衛出征金川奏凱有功乾隆二十三年隨將軍兆惠征勦波羅泥都霍集占於十月十三日進取沙拉斯遜收途遇回衆截戰歿於陣

賞卹如例

恩賜雲騎尉世職

承襲詳見世職表

特通額

特通額滿洲鑲黃旗人姓鈕祜祿氏世居長白山  
襲子爵授三等侍衛乾隆二十二年出師西路二  
十三年在葉爾羌與霍集占戰歿奉

特旨照頭等侍衛議叙

恩賜雲騎尉世職

承襲詳見  
世職表

體奇圖

體奇圖滿洲鑲黃旗人姓郭固爾氏世居黑龍江  
由護軍授藍翎侍衛陞三等侍衛乾隆二十年出

兵西路二十四年奉

旨撤回四月初六日途次為逆回賊衆所害

賞卹如例

恩賜雲騎尉世職

承襲詳見  
世職表

薩哈禪

薩哈禪滿洲鑲黃旗人姓奇他拉氏世居吉林由

前鋒授前鋒校署前鋒叅領乾隆二十二年出師

西路二十四年閏六月二十八日隨叅贊大臣明

瑞追勦波羅泥都霍集占於霍斯庫魯克山戰歿

賞卹如例

恩賜雲騎尉世職

承襲詳見  
世職表

阿南保

阿南保滿洲鑲黃旗人姓尼瑪察氏世居吉林地方由前鋒授空翎乾隆二十二年出師西路二十四年五月二十四日隨叅贊大臣明瑞追波羅泥都霍集占於霍斯庫魯克山戰歿

賞卹如例

恩賜雲騎尉世職

承襲詳見  
世職表

布特訥

布特訥滿洲鑲黃旗人姓布佳氏世居黑龍江由  
前鋒授前鋒校乾隆二十二年出師西路二十四  
年閏六月二十八日隨叅贊大臣明瑞追剿波羅  
泥都霍集占至霍斯庫魯克山戰歿

賞卹如例



恩賜雲騎尉世職

承襲詳見世職表

科凌阿

科凌阿滿洲鑲黃旗人姓張佳氏世居長白山漳河地方由護軍授護軍校署前鋒叅領乾隆二十二年出師西路二十四年正月在呼爾瑞地方與逆回霍集占力戰歿於陣

賞卹如例

恩賜雲騎尉世職

承襲詳見世職表

伊三泰

伊三泰滿洲鑲黃旗人姓富察氏世居沙吉地方  
任前鋒藍翎長乾隆二十二年出師北路二十四  
年閏六月二十八日隨叅贊大臣明瑞追勦逆回  
至霍斯庫魯克山戰歿

賞卹如例

恩賜雲騎尉世職

承襲詳見  
世職表

圖秉阿

圖秉阿滿洲鑲黃旗人姓薩克達氏世居薩克達  
地方由護軍補藍翎頭目陞驍騎校乾隆二十三  
年出師北路二十四年閏六月二十八日隨叅贊  
大臣明瑞追勦逆回至霍斯庫魯克山戰歿

賞卹如例

恩賜雲騎尉世職

承襲詳見  
世職表

丹泰

丹泰滿洲正黃旗人官三等侍衛乾隆十三年出

師金川隨提督岳鍾琪進攻塔高山梁時賊於石  
城之外豎立木城週遭深塹匿賊其中潛放鳥鎗  
敗則從地道遁復時出其不意憑城以禦我師十  
一月二十一日夜半官兵分五路並攻火器齊發  
斃賊數十人於壕餘賊遁入木城丹泰督兵踰壕  
直逼木城射賊三人矢盡揮刀力戰中鎗死

賞卹如例

恩賜雲騎尉世職

承襲詳見  
世職表

七保住

七保住滿洲正黃旗人姓武扎氏世居

盛京任前鋒校乾隆二十年隨定北將軍班第駐守  
伊犁八月阿睦爾撒納叛七保住與逆黨力戰重  
傷病歿

賞卹如例

恩廕八品監生

達永

達永滿洲正黃旗人姓完顏氏世居吉林地方在  
尚虞處行走授空翎乾隆二十年隨征西路於伊  
犂地方戰歿

賞卹如例

恩賜雲騎尉世職

承襲詳見  
世職表

誥里善

誥里善滿洲正黃旗人世居黑龍江補護軍空翎  
乾隆二十年隨將軍班第進勦伊犁追躡達瓦齊

戰歿

賞卹如例

恩賜雲騎尉世職

承襲詳見  
世職表

阿濟布

阿濟布滿洲正黃旗人姓董鄂氏世居黑龍江補  
前鋒空翎乾隆二十年隨將軍班第進剿伊犁追  
躡達瓦齊歿於陣

賞卹如例

達永阿

達永阿滿洲正黃旗人由護軍獎賞藍翎乾隆二十年隨將軍班第等駐守伊犁八月二十四日為逆黨克什木巴朗所害

賞卹如例

鄂隆阿

鄂隆阿滿洲正黃旗人授前鋒校乾隆二十年阿睦爾撒納叛逃逆黨劫掠臺站鄂隆阿力戰歿於陣



賞卹如例

岱青阿

岱青阿滿洲正黃旗人姓納拉氏世居德爾吉霍屯業和地方乾隆元年由護軍授護軍校十五年轉健銳營前鋒校十六年陞副前鋒叅領十九年派往西路軍營在巴里坤伊犁等處委署管理臺站翼長二十一年十一月於布爾哈齊遇賊被害

賞卹如例

木克

木克滿洲正黃旗人姓納喇氏前鋒校署防禦乾隆二十一年九月隨副都統阿敏道招降逆回為霍集占計誘被害

賞卹如例

恩賜雲騎尉世職

承襲詳見世職表

布英克

布英克滿洲正黃旗人姓那拉氏以前鋒校委署

防禦乾隆二十一年隨副都統阿敏道往回部議  
事遂為所害

賞卹如例

恩賜雲騎尉世職

承襲詳見  
世職表

老格

老格滿洲正黃旗人姓伊爾根覺羅氏世居佛阿  
拉地方授右衛駐防驍騎校乾隆二十一年從征  
北路於和爾滾地方擊賊歿於陣

賞卹如例

恩賜雲騎尉世職

承襲詳見世職表

成明

成明滿洲正黃旗人姓聶格氏世居輝發地方由  
護軍放健銳營前鋒委署筆帖式派往西路出征  
乾隆二十一年二月在烏塔穆庫爾地方與賊接  
戰歿於陣

賞卹如例

恩賜雲騎尉世職無子給伊妻半俸

嘉虎

嘉虎滿洲正黃旗人委署驍騎校乾隆二十一年  
將軍兆惠駐伊犁令隨副都統阿敏道往葉爾羌  
喀什噶爾招降逆回霍集占計誘拘之抵庫車被  
害

賞卹如例

羅查

羅查滿洲正黃旗人由前鋒委署筆帖式乾隆二十一年隨征西路奉令駐防軍臺遇賊劫掠戰歿  
賞卹如例

佟保

佟保滿洲正黃旗人由前鋒授筆帖式乾隆二十一年奉差解送策楞王保中途遇賊截戰被害

賞卹如例

德七保

德七保滿洲正黃旗人姓烏蘇氏世居吉林地方  
任藍翎侍衛乾隆二十年隨定邊右副將軍成衮  
扎布出師西路二十二年六月二十三日奉差往  
霍通地方遇賊被擄死之

賞卹如例

恩賜雲騎尉世職

承襲詳見  
世職表

素靈阿

素靈阿滿洲正黃旗人姓伊拉里氏世居哈拉岷

地方任健銳營前鋒校乾隆二十二年六月隨叅  
贊大臣明瑞於阿巴雅達巴罕擊賊歿於陣

賞卹如例

巴寧阿

巴寧阿滿洲正黃旗人姓覺爾察氏世居長白  
山由親軍校洊歷三等侍衛轉二等侍衛尋授察  
哈爾游牧處總管隨征西路乾隆二十二年八月  
十八日於博羅齊地方征剿厄魯特賊衆戰歿



賞卹如例

恩賜雲騎尉世職

承襲詳見  
世職表

富爾泰

富爾泰滿洲正黃旗人充空翎什長派往西路軍

營乾隆二十三年四月隨巴圖魯侍衛馬昌於濟

爾瑪塔戰歿

賞卹如例

恩賜雲騎尉世職

承襲詳見  
世職表

卓隆阿

卓隆阿滿洲正黃旗人姓巴雅拉氏任前鋒校派往西路軍營乾隆二十三年四月隨巴圖魯侍衛馬昌與賊戰於濟爾瑪塔歿於陣

賞卹如例

恩賜雲騎尉世職

承襲詳見世職表

策臣

策臣滿洲正黃旗人世居活克圖吉地方由護軍

授前鋒校隨征西路乾隆二十三年七月初四日  
隨將軍兆惠與逆回戰於集爾噶朗陣歿

賞卹如例

恩賜雲騎尉世職

永襲詳見  
世職表

德福

德福滿洲正黃旗人姓佟色里氏世居薩哈察地  
方由前鋒授驍騎校隨征西路乾隆二十三年十  
月隨將軍兆惠進勦波羅泥都霍集占賊統數萬

衆與我師三千餘人戰師渡喀拉烏蘇河德福溺  
水死照陣亡例減半

恩賞銀一百二十五兩

九住

九住滿洲正黃旗人任健銳營前鋒校乾隆二十  
年派往西路軍營二十四年正月隨副將軍富德  
與逆回霍集占戰歿於呼爾瑪

賞卹如例

恩賜雲騎尉世職

承襲詳見世職表

福紹

福紹滿洲正黃旗人姓巴雅拉氏官二等侍衛派

往西路軍營乾隆二十四年正月隨副將軍富德

追勦霍集占於呼爾瑪戰歿

賞卹如例

恩賜雲騎尉世職

承襲詳見世職表

永安

永安滿洲正黃旗人姓那拉氏世居阿庫五尼滿  
地方由護軍挑健銳營前鋒陞前鋒校隨征西路  
乾隆二十四年正月征勦霍集占於呼爾瑪歿於  
陣

賞卹如例

恩賜雲騎尉世職

承襲詳見  
世職表

塔克慎

塔克慎滿洲正白旗人任健銳營前鋒校乾隆二

十年隨征西路奉將軍兆惠令自集爾噶朗赴京  
至阿布達拉臺猝遇賊衆劫臺戰歿

賞卹如例

恩賜雲騎尉世職

承襲詳見  
世職表

邁蘭泰

邁蘭泰滿洲正白旗人姓烏扎拉氏世居白都納  
任藍翎侍衛乾隆二十年五月隨定北將軍班第  
駐守伊犁八月二十四日宰桑克什木巴朗等犯

軍營邁蘭泰被害

賞卹如例

恩賜雲騎尉世職

承襲詳見  
世職表

薩爾胡達

薩爾胡達滿洲正白旗人姓關佳氏世居船廠地  
方由前鋒補藍翎長尋陞健銳營前鋒校乾隆二  
十年隨征西路奉將軍兆惠令自集爾噶朗赴京  
至阿布達拉臺猝遇賊衆劫臺戰歿



賞卹如例

恩賜雲騎尉世職

承襲詳見  
世職表

愛申泰

愛申泰滿洲正白旗人姓富察氏世居庫雅拉地  
方由前鋒授空翎乾隆十九年派往西路軍營二十  
一年奉將軍兆惠令傳檄噶爾藏多爾濟遇賊戰  
歿

賞卹如例

恩賜雲騎尉世職

承襲詳見  
世職表

僧保

僧保滿洲正白旗人姓闕佳氏世居船廠地方由

前鋒授空翎隨征西路乾隆二十一年解送策楞

王保赴京途遇厄魯特賊兵戰死之

賞卹如例

恩賜雲騎尉世職

承襲詳見  
世職表

密薩爾海

密薩爾海滿洲正白旗人姓烏蘇氏世居打牲地方任藍翎侍衛乾隆十九年派往軍營二十一年奉將軍兆惠令傳檄噶爾歲多爾濟遇賊戰歿

賞卹如例

恩賜雲騎尉世職

承襲詳見世職表

德山

德山滿洲正白旗人由前鋒委署筆帖式乾隆十九年出師北路二十一年阿睦爾撒納叛逃哈薩

克將軍達爾黨阿率師進討德山於二月初三日

戰歿

賞卹如例

齊旺

齊旺滿洲正白旗人委署健銳營前鋒校乾隆二十

一年奉定邊將軍兆惠令隨副都統阿敏道前往

葉爾羌喀什噶爾招降逆回為霍集占計誘被害

賞卹如例

色赫

色赫滿洲正白旗人任健銳營前鋒校隨征西路  
乾隆二十一年由集爾噶朗撒回途遇厄魯特賊  
衆戰歿

賞卹如例

恩賜雲騎尉世職

承襲詳見  
世職表

卓爾和

卓爾和滿洲正白旗人姓伊爾根覺羅氏世居長

白山龍職雲騎尉授三等侍衛陞二等侍衛派往  
軍營乾隆二十一年八月為準噶爾賊黨擾亂被害  
賞卹如例

奇徹布

奇徹布滿洲正白旗人姓都拉爾氏世居黑龍江  
乾隆元年由前鋒授藍翎侍衛洊厯頭等侍衛十  
六年五月派往軍營二十二年五月二十九日與  
哈薩克兵戰歿於陣

賞卹如例

恩賜一等輕車都尉世職

承襲詳見世職表

彰武

彰武滿洲正白旗人世居黑龍江乾隆十三年由  
護軍授藍翎侍衛尋陞三等侍衛十九年十二月  
派往軍營二十三年十月十三日隨將軍那木扎  
爾赴定邊將軍兆惠軍營行次葉爾羌與逆回波羅  
泥都霍集占戰歿

賞卹如例

恩賜雲騎尉世職

承襲詳見世職表

白達爾

白達爾滿洲正白旗人姓墨爾丹氏世居黑龍江  
乾隆十三年由護軍校藍翎侍衛陞三等侍衛十  
九年派往西路軍營二十三年十月十三日征剿  
逆回於葉爾羌戰歿

賞卹如例



恩賜雲騎尉世職

承襲詳見世職表

莫尼查

莫尼查滿洲正白旗人姓墨爾丹氏世居黑龍江

乾隆十四年在尚虞處行走投藍翎侍衛十九年

十二月派往軍營二十三年十月十三日隨定邊

將軍兆惠進勦逆回於葉爾羌戰歿

賞卹如例

恩賜雲騎尉世職

承襲詳見世職表

穆倫保

穆倫保滿洲正白旗人姓永勒佳氏世居船廠由  
前鋒補授健銳營前鋒校洊陞

乾清門二等侍衛乾隆二十三年隨征西路於布空  
郭爾地方遇賊力戰歿

賞卹如例

恩賜雲騎尉加一雲騎尉為騎都尉世職

承襲詳見  
世職表

奎瑪岱

奎瑪岱滿洲正白旗人姓烏蘇拉氏世居黑龍江  
地方授巴圖魯三等侍衛乾隆二十三年出師西  
路為靖逆將軍那木扎爾領隊前驅於十月十三  
日赴定邊將軍兆惠軍營中途遇逆回三千餘人  
奄至奎瑪岱直前衝擊與將軍那木扎爾等偕歿  
於陣奉

特旨照頭等侍衛議卹

恩賜一等輕車都尉世職

承襲詳見  
世職表

班泰

班泰滿洲正白旗人姓烏蘇氏世居打牲地方任  
藍翎侍衛乾隆二十三年隨將軍那木扎爾進征  
回部十月十三日赴將軍兆惠軍營行次葉爾羌  
突遇逆回波羅泥都霍集占戰歿

賞卹如例

恩賜雲騎尉世職

承祿詳見  
世職表

素爾登格

素爾登格滿洲正白旗人姓他塔喇氏世居扎庫  
木地方由護軍補藍翎侍衛陞三等侍衛尋授甘  
肅威遠營都司轉河州鎮秦州營遊擊二十四年  
八月隨原任布政使德舒解送回衆途遇嗎哈沁  
搶劫奮勇追擊至阿爾坦和碩地方突遇賊衆拒  
戰中鳥鎗歿

賞卹如例

恩賜守備姪永福襲

三保柱

三保柱滿洲正白旗人世居瓦爾吉和屯任前鋒  
藍翎長派往北路軍營乾隆二十四年隨叅贊大  
臣明瑞進剿逆回於霍斯庫魯克山戰歿

賞卹如例

恩賜雲騎尉世職

承襲詳見  
世職表

德明

德明滿洲正紅旗人姓佟佳氏世居雅爾噶地方

由官學生考取筆帖式乾隆十九年赴西路軍營  
二十一年十月隨將軍和起往征巴雅爾十一月  
初七日行至闢展為莽噶里克尼瑪等所害

賞卹如例

豐玉

豐玉滿洲正紅旗人由護軍隨征金川有功拔前  
鋒授空藍翎乾隆二十年赴西路軍營二十一年  
十一月隨將軍和起進征巴雅爾中途為莽噶里

克尼瑪等所害

賞卹如例

恩賜雲騎尉世職

承襲詳見世職表

達桑阿

達桑阿滿洲正紅旗人授筆帖式乾隆二十一年

阿睦爾撒納叛逃諸夷肆掠達桑阿奉令守臺遇

賊戰歿

賞卹如例



赫泰

赫泰滿洲正紅旗人姓赫舍里氏世居呼塔木哈  
連地方由官學生授內閣中書進侍讀陞監察御  
史因事降補員外郎乾隆二十二年正月從征西  
路軍營二十三年十月十三日隨定邊將軍兆惠  
進勦葉爾羌與霍集占力戰歿於陣

賞卹如例

恩賜雲騎尉世職

承襲詳見  
世職表

豐泰

豐泰滿洲正紅旗人姓富察氏世居長白山由副  
前鋒校授藍翎侍衛乾隆十九年正月出征西路  
二十三年十月十三日隨定邊將軍兆惠進勦波  
羅泥都霍集占於葉爾羌戰歿

賞卹如例

恩賜雲騎尉世職

承襲詳見  
世職表

德成

德成滿洲正紅旗人姓佟佳氏世居雅爾噶地方  
由官學生授戶部筆帖式乾隆二十二年赴西路  
軍營二十三年十月十三日隨定邊將軍兆惠進  
勦波羅尼都霍集占於葉爾羌戰歿

賞卹如例

恩賜雲騎尉世職

承襲詳見  
世職表

鳳泰

鳳泰滿洲正紅旗人世居德爾吉烏拉哈達地方

任藍翎長從征西路乾隆二十三年十月十三日  
隨定邊將軍兆惠征霍集占直薄葉爾羌城鳳泰  
奮勇力戰歿於陣

賞卹如例

永保

永保滿洲正紅旗人姓李佳氏世居扎庫木由養  
育兵補健銳營前鋒乾隆二十三年赴西路軍營  
奮勉効力授額外藍翎長二十四年正月初六日

隨副將軍富德於呼爾瑞追擊霍集占受傷歿於

軍

賞卹如例

恩賜雲騎尉世職

承襲詳見世職表

塔克什哈

塔克什哈滿洲正紅旗人姓張佳氏世居安褚拉

庫地方任健銳營前鋒委署筆帖式乾隆十九年

出兵西路在烏魯木齊臺站搜剿嗎哈沁有功二

十四年正月與逆酋霍集占戰於呼爾璊歿於陣

賞卹如例

恩賜雲騎尉世職

承襲詳見世職表

傅澤布

傅澤布滿洲鑲白旗人姓瓜勒佳氏世居酸泥地

方雍正元年舉人考取緒繹筆帖式七年七月補

奉天將軍衙門筆帖式乾隆三年五月陞戶部主

事八年十月陞

盛京工部員外郎年滿來京改授戶部員外郎陞郎中十八年陞翰林院侍講學士十九年五月從征北路軍營二十年二月隨定北大將軍班第進勦烏梁海旋越索爾畢嶺擒拏宰桑收取戶口

賞給緞疋銀兩五月大兵克伊犁將軍班第等以五百人駐守八月二十四日阿睦爾撒納叛其黨克什木巴朗等進犯軍營大肆劫掠傅澤布與將軍等同時被害

賞卹如例

恩賜雲騎尉世職

承襲詳見  
世職表

海哈那

海哈那滿洲鑲白旗人姓葛濟勒氏世居齊齊哈爾城由副長委署營總乾隆十九年出征伊犁有功二十一年正月初九日隨叅贊大臣富德於烏塔草庫爾戰歿

賞卹如例



密三

密三滿洲鑲白旗人姓烏扎那氏世居寧古塔以  
佐領委署叅領事乾隆二十一年從征西路時阿  
睦爾撒納竄跡哈薩克我師追之未獲而在役之  
準噶爾宰桑等相率為亂密三奮勇擊戰死之

賞卹如例

恩賜雲騎尉世職

承襲詳見  
世職表

來往

來住滿洲鑲白旗人姓巴雅拉氏授前鋒校乾隆二十一年自集爾噶朗撤回為厄魯特賊衆所害

賞卹如例

恩賜雲騎尉世職

承襲詳見世職表

九達色

九達色滿洲鑲白旗人姓完顏氏世居遼東任藍翎長乾隆二十一年於集爾噶朗地方擊賊歿於陣

賞卹如例

恩賜雲騎尉世職

承襲詳見世職表

伊三泰

伊三泰滿洲鑲白旗人姓薩克達氏世居布爾哈  
地方由前鋒空翎委署前鋒校隨護軍統領努三  
出兵金川以七百雲梯兵奮勇攻擊授護軍校乾隆  
二十年從征西路二十一年解送策楞玉保來  
京途遇厄魯特賊衆奄至伊三泰力戰死之

賞卹如例

恩賜雲騎尉世職

承襲詳見  
世職表

富僧額

富僧額滿洲鑲白旗人姓何吉勒氏世居熱河布爾哈地方任前鋒空翎隨護軍統領努三出兵金川以七百雲梯兵奮勇攻擊授護軍校乾隆二十年從征西路二十一年解送策楞王保來京中途為厄魯特賊衆邀截力戰被害

賞卹如例

恩賜雲騎尉世職

承襲詳見世職表

色克精額

色克精額滿洲鑲白旗人姓瓜勒佳氏世居霍羅  
地方由健銳營前鋒委署筆帖式乾隆二十二年  
二月隨副將軍富德於烏塔穆庫爾地方收勦厄  
魯特餘衆戰歿

賞卹如例

恩賜雲騎尉世職

承襲詳見  
世職表

官住

官住滿洲鑲白旗人由健銳營前鋒委署筆帖式  
授空翎乾隆二十年從征西路二十三年五月初  
四日進攻庫車城與逆回霍集占力戰歿

賞卹如例

恩賜雲騎尉世職

承襲詳見  
世職表

九格

九格滿洲鑲白旗人授空翎乾隆二十二年隨征  
西路軍營二十三年冬大兵克葉爾羌喀什噶爾  
二回遠竄我師悉力追勦九格奮勇前驅戰歿於  
陣

賞卹如例

台費納

台費納滿洲鑲白旗人姓那拉氏世居哈達烏拉  
地方官健銳營副前鋒校乾隆二十四年隨叅贊

大臣明瑞追勦波羅泥都霍集占於霍斯庫魯克

山戰歿

賞卹如例

恩賜雲騎尉世職

承襲詳見  
世職表

德福

德福滿洲鑲白旗人姓舒穆祿氏世居渾春布拉  
地方由前鋒委署筆帖式出師金川以雲梯兵奮  
擊有功乾隆二十年從征西路二十四年八月隨



布政使德舒搜勦嗎哈沁於阿爾坦和碩地方突  
遇賊衆戰歿

賞卹如例

恩賜雲騎尉世職

承襲詳見  
世職表

色津德

色津德滿洲鑲白旗人姓瓜勒佳氏世居瓦爾喀  
地方官健銳營前鋒校乾隆二十四年隨叅贊大  
臣明瑞追勦波羅泥都霍集占於霍斯庫魯克山

奮勇擊賊歿於陣

賞卹如例

恩賜雲騎尉世職

承龍詳見  
世職表

依楞額

依楞額滿洲鑲白旗人姓瓜勒佳氏世居瑚佳地  
方任筆帖式乾隆二十四年八月隨布政使德舒  
搜勦嗎哈沁在阿爾坦和碩突遇賊衆戰歿

賞卹如例

恩賜雲騎尉世職

承襲詳見世職表

富祥

富祥滿洲鑲紅旗人姓伊爾根覺羅氏世居東阿  
由官學生補詹事府筆帖式乾隆十九年出師北  
路二十年隨將軍班第駐守伊犁於八月二十四  
日為逆黨克什木巴朗等所害

賞卹如例

恩賜雲騎尉世職

承襲詳見世職表

多永武

多永武滿洲鑲紅旗人姓烏爾達氏世居葉赫地方由繕本筆帖式考取中書乾隆十九年赴北路軍營隨將軍班第征勦伊犁二十年八月二十四日阿睦爾撒納叛其黨克什木巴朗等進犯軍營多永武力戰死之

賞卹如例

恩賜雲騎尉世職

承襲詳見世職表

永泰

永泰滿洲鑲紅旗人姓那拉氏世居衣八單地方  
由官學生考取筆帖式乾隆二十年委署主事隨  
將軍班第進征伊犁於八月二十四日為逆黨克  
什木巴朗等所害

賞卹如例

恩賜雲騎尉世職

承襲詳見  
世職表

諱保

諳保滿洲鑲紅旗人姓鄂卓氏由健銳營副前鋒  
校推前鋒校乾隆二十年赴西路軍營二十一年  
於集爾噶朗撤回途遇賊衆被害

賞卹如例

恩賜雲騎尉世職

承襲詳見  
世職表

四十六

四十六滿洲鑲紅旗人姓烏爾達氏世居安褚拉  
庫地方由健銳營前鋒補前鋒校乾隆二十年赴

西路軍營二十一年於集爾噶朗撤回途遇賊衆  
劫掠被害

賞卹如例

恩賜雲騎尉世職

承襲詳見  
世職表

富成

富成滿洲鑲紅旗人姓佟佳氏世居海音登地方  
授空翎乾隆二十年赴西路軍營二十一年由集  
爾噶朗撤回途遇賊衆戰歿

賞卹如例

恩賜雲騎尉世職

承襲詳見世職表

阿濟圖

阿濟圖滿洲鑲紅旗人授空翎乾隆二十三年十月十三日隨定邊將軍兆惠進剿波羅泥都霍集占於葉爾羌戰歿

賞卹如例

宗室車爾登



宗室車爾登滿洲鑲紅旗人任健銳營前鋒叅領  
乾隆二十三年五月出師西路十月十三日隨定  
邊將軍兆惠進剿波羅泥都霍集占於葉爾羌戰  
歿

賞卹如例

恩賜雲騎尉世職

承襲詳見  
世職表

德舒

德舒滿洲鑲紅旗人姓舒舒覺羅氏世居哈達地

方由緒繹舉人授內閣中書轉侍讀擢吏部郎中  
乾隆十三年隨大學士忠勇公傅恒赴金川軍營  
官軍奏凱還京擢太常寺正卿外授安徽布政使  
司調授山東按察使司復擢福建布政使司乾隆  
二十二年丁母憂歸尋奉

命赴西路巴里坤經理軍營事二十三年七月復令赴  
哈密經理事務十月復令赴庫車經理事務二十  
四年八月自阿克蘇解送回衆途遇嗎哈沁搶劫

因自請親率綠旗官兵並回兵追擊行次阿爾坦  
和碩地方突遇賊衆奮力攻擊中鎗傷卒於途十  
月初五日得

旨照陣亡例加恩議卹

賜祭塋入祀昭忠祠

恩賜騎都尉世職

承襲詳見  
世職表

黑達色

黑達色滿洲正藍旗人姓富察氏世居福溪地方

官太僕寺主事乾隆十九年派往軍營二十年隨  
定北將軍班第駐守伊犁八月阿睦爾撒納叛宰  
桑克什木巴朗等大肆劫掠黑達色被困力戰死  
之

賞卹如例

恩賜雲騎尉世職

承襲詳見  
世職表

德保

德保滿洲正藍旗人姓伊爾根覺羅氏世居興科

地方任藍翎長乾隆二十年正月派往北路出兵  
八月隨定北將軍班第駐守伊犁為克什木巴朗  
等叛衆所圍德保力戰死之

賞卹如例

恩賜雲騎尉世職

承襲詳見  
世職表

西爾格

西爾格滿洲正藍旗人姓覺羅氏由九品筆帖式  
隨征北路軍營乾隆二十年五月隨定北將軍班

第駐守伊犁八月二十四日逆黨克什木巴朗等  
進犯軍營西爾格力戰歿於陣

賞卹如例

恩賜雲騎尉世職

承襲詳見  
世職表

永德

永德滿洲正藍旗人姓赫西里氏世居德爾紀哈  
達地方乾隆十四年以前鋒派往軍臺二十年大  
兵平伊犁阿睦爾撒納說稱進京中途叛去永德

獲其甲仗纛等物放藍翎侍衛仍赴臺站二十一年正月派送貝子色布騰行次推畢拉地方遇納木庫巴朗接戰永德奮勇爭先遂歿於陣

賞卹如例

恩賜雲騎尉世職

承襲詳見世職表

阿禪

阿禪滿洲正藍旗人姓烏拉氏由前鋒授副前鋒校乾隆十九年出兵西路二十一年自集爾噶朗

撤回遇厄魯特賊衆戰歿

賞卹如例

恩賜雲騎尉世職

承襲詳見  
世職表

羅福

羅福滿洲正藍旗人補健銃營空銜藍翎乾隆十  
九年派往西路軍營二十一年自集爾噶朗撤回  
途遇厄魯特賊衆力戰歿

賞卹如例



恩賜雲騎尉世職

承襲詳見  
世職表

巴克散

巴克散滿洲正藍旗人姓佟佳氏由前鋒校署防

禦乾隆二十一年十一月二十九日在庫努克薩

爾與準噶爾賊衆力戰陣亡

賞卹如例

恩賜雲騎尉世職

承襲詳見  
世職表

富永

富永滿洲正藍旗人由前鋒委署筆帖式出兵西路在烏魯木齊軍臺防禦乾隆二十二年冬隨都統滿福領偏師追勦沙拉斯嗎唬斯二鄂拓克滿福墮賊計死之富永亦被害

賞卹如例

恩賜雲騎尉世職

承襲詳見  
世職表

林保

林保滿洲正藍旗人姓薩克達氏世居長白山地

方於乾隆二十年由前鋒派往西路出兵著有勞績

賞給噶克查巴圖魯號任獎賞藍翎二十四年隨叅贊

大臣明瑞在霍斯庫魯克山與逆首力戰歿

賞卹如例

恩賜雲騎尉世職

承襲詳見  
世職表

富泰

富泰滿洲鑲藍旗人世居彭河由領催補筆帖式

游歷刑部郎中乾隆十三年隨征金川有功十九  
年差往北路軍營解送茶緞銀兩留軍營二十年  
八月阿睦爾撒納叛二十四日逆黨克什木巴朗  
等進犯軍營富泰為賊兵所害

賞卹如例

恩賜雲騎尉世職

承襲詳見  
世職表

巴泰

巴泰滿洲鑲藍旗人姓舍穆里氏世居朱舍里由

護軍授護軍校游歷護軍叅領乾隆十五年五月  
補健銳營前鋒叅領二十年正月從征西路二十  
一年十月在集爾噶朗地方擊賊歿於陣

賞卹如例

恩賜雲騎尉世職

承襲詳見  
世職表

八十一

八十一滿洲鑲藍旗人授副前鋒校乾隆二十年

五月

王師平定伊犁七月阿睦爾撒納叛亂諸夷劫掠臺  
站八十一與逆黨力戰歿

賞卹如例

額爾京額

額爾京額滿洲鑲藍旗人任藍翎長乾隆二十一  
年十月於哈布塔克拜塔克地方擊賊歿於陣

賞卹如例

恩賜雲騎尉世職

承襲詳見  
世職表

五達色

五達色滿洲鑲藍旗人授筆帖式乾隆二十一年  
隨征西路奉令駐守軍臺遇賊刼掠被害

賞卹如例

海明

海明滿洲鑲藍旗人由健銳營前鋒委署筆帖式  
乾隆二十三年於集爾噶朗擊賊戰歿

賞卹如例







欽定八旗通志卷二百二十

欽定四庫全書

史部

欽定八旗通志卷

二百二十一至  
二百二十二

欽定四庫全書

欽定八旗通志卷二百二十一

人物志一百一

忠義傳十三

滿洲八旗十三  
乾隆三十二年至三十七年共六十七人

雙保

雙保滿洲鑲黃旗人姓李佳氏由前鋒授前鋒校  
乾隆三十年四月出兵烏什奮勇殺賊得頭等功  
牌四二等功牌二三等功牌三三十二年派往雲

南征勦緬甸是年十一月隨將軍公明瑞擊賊於  
蠻結陣亡

賞卹如例

恩賜雲騎尉

永襲詳見  
世職表

烏爾登額

烏爾登額滿洲鑲黃旗人姓瑚錫哈理氏乾隆二  
十九年由前鋒翎長陞授烏鎗護軍校三十二年  
派往雲南征勦緬甸是年十二月擊賊於瓊乍里

板陣亡

賞卹如例

恩賜雲騎尉

承襲詳見  
世職表

俊德

俊德滿洲鑲黃旗人姓鈕祜祿氏由親軍於乾隆  
二十年承襲佐領二十六年揀發雲南以遊擊委  
用三十二年隨征緬甸擊賊於木邦陣亡

賞卹如例

恩賜驍騎校子興義襲

倭星額

倭星額滿洲鑲黃旗人姓裕瑚魯氏乾隆二十七年  
由烏鎗護軍隨將軍公明瑞駐防伊犁三十二年  
六月派往雲南征勦緬甸進至蠻結戰甚力三十

三年正月奉

旨授藍翎侍衛

賞噶克查巴圖魯號二月擊賊於小猛育陣亡

賞卹如例

恩賜雲騎尉世職

永襲詳見世職表

葉楞額

葉楞額滿洲鑲黃旗人姓費莫氏乾隆三十二年

由烏鎗藍翎長派往雲南征勦緬甸三十三年正月隨將軍公明瑞擊賊於小猛育陣亡

賞卹如例

恩賜雲騎尉世職

永襲詳見世職表

納禮穆

納禮穆滿洲鑲黃旗人姓鄂羅氏乾隆三十一年  
由護軍陞護軍校三十三年派往雲南征勦緬甸  
是年十二月擊賊於老官屯陣亡

賞卹如例

恩賜恩騎尉世職

承襲詳見  
世職表

阿第木保

阿第木保滿洲鑲黃旗人姓多欣氏由馬甲於乾



隆十九年襲佐領出兵準噶爾奮勇殺賊屢列超等

賞戴花翎加副都統銜

恩給一等輕車都尉世職二十二年授協尉三十四年出兵雲南攻克猛拱猛養等處以病歿於軍營得旨照陣亡例議卹

恩賜騎都尉併前給世職為一等輕車都尉兼一雲騎

尉世職

承襲詳見世職表

繖達色

繖達色滿洲鑲黃旗人姓敖拉氏乾隆三十二年  
由護軍授護軍校三十四年陞藍翎侍衛三十五  
年隨征金川是年九月擊賊於得爾密陣亡

賞卹如例

恩賜雲騎尉世職

永襲詳見  
世職表

伊爾素拉

伊爾素拉滿洲鑲黃旗人姓納喀塔氏乾隆三十

一年由護軍陞藍翎侍衛三十四年陞三等侍衛  
三十七年二月隨征金川六月擊賊於墨龍溝陣

亡

賞卹如例

恩賜雲騎尉世職

承襲詳見  
世職表

德祿

德祿滿洲鑲黃旗人姓瓜勒佳氏由前鋒歷陞防

禦乾隆十三年出征金川三十三年隨征緬甸三

十六年復調征金川三十七年六月擊賊於策耳

脚陣亡

賞卹如例

恩賜雲騎尉世職

承襲詳見  
世職表

和善

和善滿洲鑲黃旗人姓爪勒佳氏乾隆二十五年  
由前鋒授前鋒校三十年擢三等侍衛三十六年  
隨征金川三十七年十月擊賊於墨壘溝陣亡

賞卹如例

恩賜雲騎尉世職

永崇詳見  
世職表

安陀保

安陀保滿洲鑲黃旗人姓費莫氏乾隆二十年由  
健銳營前鋒出征準噶爾二十三年出征回部進  
攻喀什噶爾等處共得功牌八十九年授驍騎  
校三十三年揀發貴州以守備委用三十五年補  
郎洞營守備三十六年隨征金川三十七年十月

擊賊於路頂宗陣亡

賞卹如例

恩賜其子吉祥為驍騎校

錫埒敏

錫埒敏滿洲鑲黃旗人姓馬佳氏乾隆三十四年由前鋒隨征緬甸三十五年三月回京六月仍派往雲南旋調征金川三十六年進攻巴朗山斯當安路頂宗等處共得功牌十二三十七年十一月

授六品頂帶藍翎十二月擊賊於明郭宗陣亡  
賞卹如例

恩賜雲騎尉世職

永業詳見  
世職表

### 阿爾素納

阿爾素納滿洲鑲黃旗人姓祿葉勒氏乾隆二十  
一年由黑龍江三姓地方前鋒出征回部擊賊奮  
勉共得功牌十二十五年還京授藍翎侍衛二  
十七年陞三等侍衛三十四年出征緬甸陞二等

侍衛

賞額騰義巴圖魯號三十五年三月還京六月復派往  
雲南旋調赴金川三十六年十二月隨大軍進攻  
巴朗斯當安等處奮勇先登得功牌五三十七年  
三月進攻南北二山得功牌二七月陞頭等侍衛  
十月攻路頂宗得功牌二十一月攻豆烏授副都  
統銜三十八年閏三月授鑲白旗蒙古副都統六  
月擊賊於大壩溝陣亡



贈都統銜

賞卹如例

詔列次五十功臣圖像紫光閣贊曰攻巴朗拉絕噉先  
登三軍從之以是著稱資哩斯當驚若鷹隼大壩  
殺賊名彰身殞

恩賜騎都尉又一雲騎尉世職

永襲詳見  
世職表

色欽

色欽滿洲正黃旗人姓納喇氏乾隆三十二年由

前鋒派往雲南征剿緬甸三十三年正月署前鋒  
校二月隨將軍公明瑞擊賊於小猛育陣亡

賞卹如例

恩賜雲騎尉世職

永襲詳見  
世職表

五十四

五十四滿洲正黃旗人姓富察氏由護軍補前鋒  
校尋授京營守備歷遊擊叅將累遷至貴州遵義  
協副將乾隆三十二年五月派往雲南征剿緬甸

三十三年二月隨將軍公明瑞擊賊於小猛育陣  
亡

賞卹如例

恩賜其子佛保太為守備

兆海

兆海滿洲正黃旗人姓伊爾根覺羅氏由前鋒歷  
陞前鋒校三十三年隨征緬甸得烏鎗傷旋調征  
金川行至褒縣傷發歿

賞卹如例

恩賜雲騎尉世職

承襲詳見世職表

雅爾太

雅爾太滿洲正黃旗人姓納喇氏由護軍挑補健銳營前鋒乾隆十九年出兵準噶爾得功牌三十二年陞前鋒校二十七年陞委署前鋒叅領三十三年派往雲南征剿緬甸擊賊於老官屯陣亡

賞卹如例

恩賜雲騎尉世職

永襲詳見  
世職表

扎爾住

扎爾住滿洲正黃旗人姓伊拉里氏乾隆三十一

年由健銳營前鋒授藍翎長三十二年派往雲南

征勦緬甸三十四年十二月擊賊於老官屯受傷

尋歿

賞卹如陣亡例

恩賜恩騎尉世職

永襲詳見  
世職表

普寧

普寧滿洲正黃旗人姓伊爾根覺羅氏乾隆十九  
年由健銳營前鋒出征伊犁得頭等三等功牌各  
一二十一年出征烏什授筆帖式歷陞護軍校佐  
領二十四年

特旨引見以副護軍叅領陞用二十五年補副護軍叅  
領尋調烏鎗副護軍叅領三十一年授鑲藍旗烏  
鎗護軍叅領三十五年隨征緬甸三十六年調征

金川三十七年六月擊賊於墨壟溝陣亡

賞卹如例

恩賜雲騎尉世職

承襲詳見  
世職表

巴靈阿

巴靈阿滿洲正黃旗人姓寧古塔氏乾隆二十七年由護軍派往伊犁三十年出征烏什三十二年補護軍校三十三年委署護軍叅領三十四年陞貴州大定營都司三十五年隨征金川十一月進

勒趙拉在事奮勇先後得功牌五三十七年七月  
擊賊於墨壘溝陣亡

賞卹如例

恩賜其子烏爾袞為衛千總

巴格

巴格滿洲正黃旗人姓烏雅拉氏由健銳營前鋒  
歷藍翎長副前鋒校乾隆二十年出征準噶爾二  
十三年陞前鋒校擢行營委署叅領二十七年叙



功

恩給雲騎尉世職准襲一次二十九年補委署烏鎗護  
軍叅領三十二年補烏鎗副護軍叅領三十五年  
補烏鎗護軍叅領三十六年以副將發往四川試  
用隨征金川前後得功牌十一三十七年七月擊  
賊於墨壘溝陣亡

賞卹如例

恩賜其子哈番泰為守備

銓珠

銓珠滿洲正黃旗人姓富察氏乾隆十九年由護  
軍出征伊犁屢有斬獲得頭等三等功牌各一二  
十八年授藍翎長三十六年隨征金川三十七年  
十月擊賊於資哩陣亡

賞卹如例

恩賜雲騎尉世職

承襲詳見  
世職表

錫嘯保

錫蘭保滿洲正黃旗人姓富察氏由護軍歷陞副  
護軍叅領乾隆三十七年隨征金川是年十月擊  
賊於墨壘溝陣亡

賞卹如例

恩賜雲騎尉世職

永襲詳見  
世職表

班第

班第滿洲正白旗人姓佟佳氏乾隆十年授藍翎  
侍衛十二年陞三等侍衛二十二年永襲勲舊佐

領二十四年陞副護軍叅領二十六年授雲南提標前營遊擊隨征緬甸三十一年十一月擊賊於蠻結陣亡

賞卹如例

恩賜其子保旺為衛千總

伊柱

伊柱滿洲正白旗人姓薩克達氏乾隆二十六年由二等侍衛授頭等侍衛二十七年叙平定準噶

爾及回部功

恩給騎都尉世職再襲二次二十八年擢副都統三十二年隨將軍公明瑞出兵雲南擊賊於老官屯尋病死得

旨照陣亡例議卹

恩賜三等輕車都尉世職

永襲詳見世職表

專塔

專塔滿洲正白旗人姓托和洛氏初由副前鋒校

補授驍騎校乾隆二十二年隨將軍兆惠平定準噶爾

賞給雲騎尉世職二十九年委署前鋒章京三十二年三月授副前鋒章京派往雲南征勦緬甸十二月隨將軍公明瑞擊賊於蠻結陣亡

賞卹如例

恩賜雲騎尉併前雲騎尉為騎都尉世職

承襲詳見世職表

景福

景福滿洲正白旗人姓烏蘇氏乾隆二十九年由  
烏鎗護軍授藍翎長三十二年派往雲南征勦緬  
甸三十三年正月隨將軍公明瑞擊賊於小猛育  
受傷尋病歿

賞卹如陣亡例

恩廕其子錫拉布為七品監生

托勒博

托勒博滿洲正白旗人姓額蘇理氏乾隆二十七

年由前鋒派往伊犁三十年隨將軍公明瑞出兵  
烏什得功牌五三十三年授藍翎長三十四年五  
月派往雲南征勦緬甸十月陞前鋒校隨經畧大  
學士公傅恒擊賊於老官屯陣亡

賞卹如例

恩賜雲騎尉世職

承襲詳見  
世職表

烏三太

烏三太滿洲正白旗人姓庫雅拉氏由前鋒於乾



隆九年授藍翎侍衛十一年陞三等侍衛

乾清門行走二十五年授二等待衛二十七年以平定準噶爾回部軍功

恩給雲騎尉二十九年授頭等侍衛三十三年授副都統尋擢護軍統領三十四年隨經畧大學士公傅恒征緬甸派令於旱塔監造船隻是年十一月病歿奏入

諭曰烏三太在雲南軍營造船甚屬出力且每遇打仗

奮往爭先今病歿深堪憫惜着加恩交該部照吉福例議卹

恩賜騎都尉又一雲騎尉世職

永樂詳見世職表

額爾赫紳

額爾赫紳滿洲正白旗人姓費摩氏乾隆三十年由前鋒藍翎長陞烏鎗護軍校三十二年派往雲南征勦緬甸三十四年十二月擊賊於老官屯受傷尋歿

賞卹如例

恩賜恩騎尉世職

承襲詳見世職表

哈爾赴

哈爾赴滿洲正白旗人姓庫雅拉氏乾隆三十四年由前鋒授藍翎侍衛擢三等侍衛三十六年隨征金川三十七年三月擊賊於日耳寨陣亡

賞卹如例

恩賜雲騎尉世職

承襲詳見世職表

富勒琿

富勒琿滿洲正白旗人姓他塔喇氏乾隆十三年  
由前鋒出征金川遇事奮勉凱旋授健銳營前鋒  
翎長陞前鋒校二十年出征準噶爾授委署前鋒  
章京二十三年出征回部屢有勞績歷陞前鋒章  
京二十七年叙功給雲騎尉世職三十一年派往  
伊犁三十二年擢正白旗漢軍副都統尋兼中公  
佐領三十七年隨征金川擊賊於木蘭壩熱爾塞

等處六月攻木城得嘔血病尋歿

諭曰富勒琿在四川軍營奪取賊人碉卡殺賊無算實屬奮勉染病身故殊為可惜着加恩照陣亡例議卹

恩賜騎都尉又一雲騎尉世職

承襲詳見世職表

### 額勒錦

額勒錦滿洲正白旗人姓達瑚哩氏乾隆二十八年由護軍授藍翎侍衛三十年擢三等侍衛三十二年授副護軍叅領三十六年隨征金川三十七

年六月擊賊於墨壘溝陣亡

賞卹如例

恩賜雲騎尉世職

承襲詳見  
世職表

雅平阿

雅平阿滿洲正白旗人姓庫雅拉氏乾隆三十六  
年由護軍授空銜藍翎隨征金川三十七年十月  
擊賊於木爾古魯山陣亡

賞卹如例

恩賜雲騎尉世職

永襲詳見  
世職表

三格泰

三格泰滿洲正紅旗人姓薩哈爾察氏乾隆三十  
二年由健銳營前鋒派往雲南征勦緬甸委署前  
鋒校隨將軍公明瑞擊賊於蒲卡蠻結陣亡

賞卹如例

恩賜雲騎尉世職

永襲詳見  
世職表

觀音保

觀音保滿洲正紅旗人姓巴約特氏由前鋒校派  
往雲南征勦緬甸乾隆三十二年十一月擊賊於

老官屯陣亡

賞卹如例

恩賜雲騎尉世職

永襲詳見  
世職表

七十一

七十一滿洲正紅旗人姓博和理氏由前鋒委署  
前鋒校乾隆三十二年派往雲南征勦緬甸是年



十二月擊賊於蠻結陣亡

賞卹如例

恩賜雲騎尉世職

承襲詳見世職表

拉罕保

拉罕保滿洲正白旗人姓郭佳氏乾隆三十三年  
由護軍授藍翎侍衛三十七年三月隨征金川十  
月擊賊於墨壘溝陣亡

賞卹如例

恩賜雲騎尉世職

承襲詳見  
世職表

彤家寶

彤家寶滿洲正紅旗人姓佟佳氏乾隆二十年由  
健銳營前鋒出兵伊犁得功牌一二十四年出兵  
回部遇事奮勉共得功牌頭等者二二等者一三  
等者二二十五年歷陞副護軍叅領三十二年派  
往雲南征勦緬甸三十三年正月隨將軍公明瑞  
擊賊於邦海陣亡

賞卹如例

恩賜雲騎尉世職

承襲詳見世職表

佛柱

佛柱滿洲正紅旗人姓鈕祜祿氏乾隆十三年由  
護軍挑健銳營前鋒二十年隨副都統莽阿納出  
兵伊犁得頭等功牌一二十四年隨將軍兆惠等  
出兵回部先後得頭等功牌六三等功牌三五等  
功牌一陞授藍翎長二十六年授護軍校二十九

年授前鋒叅領三十二年派往雲南征勦緬甸三十三年正月隨將軍公明瑞由宋濤取道猛密與賊力戰陣亡

賞卹如例

恩賜雲騎尉世職

永襲詳見世職表

吉爾章阿

吉爾章阿滿洲正紅旗人姓伊爾根覺羅氏乾隆二十六年由健銳營前鋒委署驍騎校厯烏鎗護

軍校委署烏鎗護軍叅領三十三年派往雲南征  
勦緬甸擊賊於老官屯身受重傷尋歿

賞卹如例

恩賜雲騎尉世職

永襲詳見  
世職表

瑠保

瑠保滿洲正紅旗人姓宜特墨氏乾隆三十四年  
四月由前鋒校派往雲南征勦緬甸六月授委署  
前鋒叅領十月擊賊於老官屯陣亡

賞卹如例

恩賜雲騎尉世職

承襲詳見世職表

武爾袞德

武爾袞德滿洲正紅旗人姓伊爾根覺羅氏乾隆  
二十年由健銳營前鋒隨副都統莽阿納出兵伊  
犁得頭等功牌一二十四年隨將軍兆惠等出兵  
回部得功牌頭等三等各三二等者一二十五年  
陞護軍校旋委署烏鎗章京授都司三十三年陞

授雲南昭通鎮左營遊擊隨征緬甸三十五年十月擊賊於老官屯染瘴病歿

賞卹如例

恩賜其子德寶為七品監生

楊全

楊全滿洲鑲白旗人姓伊爾根覺羅氏由前鋒委署前鋒校乾隆三十二年五月派往雲南征勦緬甸十一月隨將軍公明瑞擊賊於蒲卡蠻結陣亡

賞卹如例

恩賜雲騎尉世職

永襲詳見世職表

珠魯訥

珠魯訥滿洲鑲白旗人姓訥喇氏由繙譯舉人補吏部筆帖式軍機處行走乾隆二十一年陞吏部主事歷吏戶二部員外郎三十一年正月授湖廣荊州右翼副都統三月擢禮部侍郎五月調工部右侍郎兼正黃旗滿洲副都統公中佐領三十二



年九月授叅贊大臣

命駐劄木邦辦理軍營策應事宜三十三年正月初六日緬賊數萬圍木邦珠魯訥悉力迎禦度勢已危迫乃手書遺摺令隨印筆帖式突圍馳奏十九日黎明兵潰遂自刎事

聞

諭曰珠魯訥以所統兵丁見旁近小營失火紛紛潰散獨力難支即於營內自盡雖與臨陣捐軀者相去一

間其情亦屬可憫着照陣亡例減半賞卹  
恩賜雲騎尉世職

蒙德

蒙德滿洲鑲白旗人姓薩克達氏乾隆二十三年  
由副護軍叅領授貴州寧遠鎮遊擊二十六年陞  
台拱營叅將三十年陞大定協副將三十二年派  
往雲南征勦緬甸三十三年正月隨將軍公明瑞  
擊賊於猛密陣亡

賞卹如例

恩賜驍騎校子衮扎布襲

晋色保

晋色保滿洲鑲白旗人姓瑚爾佳氏乾隆三十三年由驍騎校派往雲南征勦緬甸三十四年授委署叅領是年十月擊賊於老官屯陣亡

賞卹如例

恩賜七品監生

扎爾芳阿

扎爾芳阿滿洲鑲白旗人姓瓜勒佳氏乾隆三十  
二年由前鋒陞署前鋒校派往雲南征勦緬甸三  
十四年十月擊賊于老官屯陣亡

賞卹如例

恩賜雲騎尉世職

承襲詳見  
世職表

廷柱

廷柱滿洲鑲白旗人姓瓜勒佳氏乾隆三十二年

由護軍授護軍校三十四年五月派往雲南征勦  
緬甸十月擊賊於老官屯陣亡

賞卹如例

恩賜雲騎尉世職

承襲詳見  
世職表

倭成額

倭成額滿洲鑲白旗人姓富察氏乾隆三十二年  
由烏鎗藍翎長派往雲南征勦緬甸三十四年十  
月擊賊於老官屯得功牌一十一月在軍營病歿

賞卹如陣亡例

恩廕八品監生

佟祿

佟祿滿洲鑲白旗人姓舒穆祿氏乾隆三十三年  
由烏鎗藍翎長派往雲南征勦緬甸三十四年十  
二月擊賊於老官屯陣亡

賞卹如例

恩賜雲騎尉世職

永襲詳見  
世職表

達哈布

達哈布滿洲鑲紅旗人姓伊拉理氏乾隆二十八年由前鋒校委署前鋒叅領三十一年陞副前鋒叅領派往雲南征勦緬甸三十三年正月隨將軍公明瑞由邦海取道猛密擊賊陣亡

賞卹如例

恩賜雲騎尉世職

承襲詳見世職表

德祿

德祿滿洲鑲紅旗人姓納喇氏乾隆二十四年由  
健銳營前鋒出兵回部在葉爾羌殺賊得三等功  
牌一又隨將軍兆惠攻取喀什噶爾城得頭等功  
牌一三十二年四月派往雲南征勦緬甸旋陞署  
前鋒校三十三年二月隨將軍公明瑞擊賊於小  
猛育陣亡

賞卹如例

恩賜雲騎尉世職

承襲詳見  
世職表



三達色

三達色滿洲鑲紅旗人姓塔塔喇氏乾隆二十九年由烏鎗護軍授藍翎長三十三年四月派往雲南征勦緬甸十月隨經畧大學士公傅恒擊賊於老官屯受傷尋歿

賞卹如例

恩賜雲騎尉世職

承襲詳見世職表

卓哈岱

卓哈岱滿洲鑲紅旗人姓瓜勒佳氏乾隆十六年  
由前鋒授副前鋒校十八年陞前鋒校二十三年  
出兵回部二十六年委署前鋒叅領二十七年叙  
西師功

恩給雲騎尉三十一年陞副前鋒叅領三十三年四月  
派往雲南征勦緬甸十二月擊賊於老官屯陣亡  
賞卹如例

恩賜雲騎尉世職

承襲詳見  
世職表

尼三泰

尼三泰滿洲鑲紅旗人姓瓜勒佳氏乾隆二十年  
由前鋒出征伊犁得頭等功牌三十四年出征  
回部得功牌頭等者二三等者四歷陞護軍校三  
五年委署護軍叅領三十六年隨征緬甸旋調征  
金川為賊所獲環伺維謹尼三泰度不得免乘間  
逸出溺水死

賞卹如例

恩賜雲騎尉世職

承襲詳見世職表

### 觀泰

觀泰滿洲鑲紅旗人姓瓜勒佳氏乾隆九年由前鋒補前鋒校十三年授山西水泉營守備十九年陞靖遠營都司二十四年陞太原鎮中營遊擊三十二年陞四川龍安營叅將旋調成都城守營叅將三十六年隨征金川是年十二月擊賊於巴朗山陣亡

賞卹如例

恩賜其子敏祿為守備

和純武

和純武滿洲鑲紅旗人姓瓜勒佳氏乾隆三十年  
由前鋒翎長出征烏什陞前鋒校三十三年授陝  
甘督標右營守備三十七年隨征金川是年八月  
擊賊於甲爾木陣亡

賞卹如例

恩賜其弟明安保為衛千總

永安泰

永安泰滿洲鑲紅旗人姓伊爾根覺羅氏乾隆三  
十年由護軍出征烏什授護軍校署護軍叅領三  
十六年以都司發往四川軍營試用三十七年十  
月擊賊於墨壘溝陣亡

賞卹如例

恩廕其子國興阿為驍騎校

福志

福志滿洲正藍旗人姓瑚魯氏由驍騎校於乾隆三十三年派往雲南征勦緬甸三十四年二月擊賊於猛麻受傷尋歿

賞卹如例

恩賜雲騎尉世職

永襲詳見世職表

松德

松德滿洲正藍旗人姓完顏氏乾隆十三年由護

軍出征金川十九年出征伊犁尋留巴里坤効力  
委辦印房事務二十四年護送哈薩克馬匹到京  
召見留京營辦事由藍翎長授烏鎗護軍校三十二年  
隨征緬甸委署叅領擊賊於蠻結等處搶占札木  
城右手受重傷擢副叅領押解綠旗陷城兵丁赴  
京

召見詢問軍營情形

特旨留京授烏鎗護軍叅領陞貴州黔西協副將抵任



未幾值

王師征金川松德呈請軍前効力三十七年帶兵五百攻阿仰等處奪碉樓五十餘座殺賊百餘人生擒十二人復領兵自墨壘溝進至遜克爾宗賊番蜂擁而前松德轉戰數日不解衣甲四月十三日賊自山嶺滾石中之陣亡

賞卹如例

恩賜其子巴哈為守備

六十一

六十一滿洲正藍旗人姓瓜勒佳氏乾隆二十七年由健銳營副前鋒出征烏什擢正前鋒屢著勞績三十年隨征緬甸授藍翎侍衛

賞明勇巴圖魯號三十五年調征金川三十七年十月擊賊於墨壘溝陣亡

賞卹如例

恩賜雲騎尉世職

承襲詳見世職表

釋伽保

釋伽保滿洲藍旗人人姓鈕祜祿氏乾隆三十二年由健銳營前鋒派往雲南征勦緬甸委署行營前鋒校隨將軍公明瑞擊賊於蒲卡蠻結陣亡

賞卹如例

恩賜雲騎尉世職

承襲詳見世職表

常貴

常貴滿洲鑲藍旗人姓鈕祜祿氏由前鋒授藍翎

長派往雲南征勦緬甸乾隆三十二年十二月擊

賊於蠻結陣亡

賞卹如例

恩賜恩騎尉世職

承襲詳見世職表

吉蘭太

吉蘭太滿洲鑲藍旗人姓瓜勒佳氏乾隆三十二年由烏鎗護軍授空藍翎派往雲南征勦緬甸三十三年十月擊賊於老官屯受傷尋歿

賞卹如例

恩賜雲騎尉世職

承襲詳見世職表

全祿

全祿滿洲鑲藍旗人姓瓜勒佳氏由烏鎗護軍校陞烏鎗章京乾隆三十四年派往雲南征勦緬甸是年擊賊於老官屯陣亡

賞卹如例

恩賜雲騎尉世職

承襲詳見世職表

欽定八旗通志卷二百二十一